

ԳՐԱԽՕՍՈՒԹԻՒՆ

ԱԼԻՇԱՆ, ՀԱՅՐ ՂԱԻՈՆԻ, միաբան Մխիթարեան.—ԱՅՐԱՐԱՍ, բնաշխարհ Հայաստանիայց (պատկերազարդ քարտէզով), Վենետիկ, Ս. Ղազար, 1890 թ., մեծ քառածալ Ը+590 երես, տառ № 10, գինն է 40 րուբլի:

Հայր Ղևոնդ Ալիշանի ալս գործը նորա ցալժմ հրատարակած գրածքներից ամենամեծն է թէ իւր մեծութիւնով և թէ մանաւանդ իւր առարկայով, հետեալոր և բովանդակութիւնով: Այս, ոչ միայն մեր հալ, այլ և նոյն իսկ օտար ու շատ հարուստ գրականութիւնների համար պանծալի համարելի մեծ գործի սկզբնապատճառը՝ նորա մեծալարդ հեղինակի հայրենասիրութիւնն է: «Այլ ի՞նչ աստանօր բարեկամաց և ոչ բարեկամաց, զի իմ միտք և բարք՝ որպէս և վիճակ և կնիք՝ հայրենասիրութիւն խնդրեն զխաղաղականն, ալնպէս սիրեմ և համբուրեմ զհայրենիս՝ որպէս ի մանկութեանս զհայր և զմայր, և ո՞նչ ու որպիսի ոք ըստգիւտ լիցի ալպիսուս սիրելութեան. և ոչ գիտեմ որպիսի ինչ մտօք կամ կարծեօք՝ վաւրապար կասկածանս և խծրիծս լուղիցէ լանձին չլուրում և օտարս, մինչև լաւագամեծար ա

տեանս, որոց պատկառել և լարգել՝ պարտք են մեր: Սակայն, եթէ կրօնական և քաղաքական օրէնք ուսուցանեն ինձ և ամենալն զգաստից՝ տալ զկայսերն՝ կայսեր և զԱստուծոյն՝ Աստուծոյ, ոչ և ընդաբոյս ազգումն ողջախոհակ՝ թելադրիցէ հասուցանել զՀայրենեացն՝ Հայրենեաց»:

Հայր Ալիշանի ալս խօսքերը մենք պէտք է ընդունենք բառացի իմաստով, հազիւ թէ հաղարաւոր վերստեր հեռու ապրող և իւր պատմական հայրենիքը աչքովը չը տեսած մէկը կարողանար մի որ և է այլ զրդումից մի ալնքան հոլակապ գործ ստեղծել մի կիսաւեր երկրի համար քան ալն հայրենասիրութիւնը, որից մի հին ազգի մեծ կենսական տոկոսութիւնը միայն կարող էր պահպանել գեռ ևս ալնքան զօրեղ կալծեր մինչ մեր դարուս վերջը, որ ալն երկրի աւերակներն ու դաւկացած ներկալ կեանքը կարող լինէին ա-

ուարկալ դառնալ արնքան ուշամիտ ու մանրադնին տեղագրութեան, որպիսիք տալիս են «Շիրակ», «Սիսուռ» և ահա ալժմ «Ալարատ»։ Այդպիսով հայր Ալիշանի շարք հրատարակութիւնների առաջին մեծ տպաւորութիւնը հայրենասիրութեան զգացմունքին է վերաբերում, որը արթնանում է և միևնույն ժամանակ շողփորթութում։

«Ալարատ»-ի մասին հեղինակը սակայն, չափում է, թէ միայլ են նոքա, որոնք չափարարել են այդ գիրքը իբր ծնունդ քառատուն տարւալ աշխատութեան։ Ալարատը զբաւած է 1878 մինչ 1880 թւականը, դեռ աւելի էլ առաջ, «Սիսուռը» 1880-ից ղէս մինչ տպագրութեան վերջնալը՝ աւելցրած են, ինչ հեղինակը կարողացել է նոր բան գտնել։

Գրքի մէջ խօսւում է Արարատեան աշխարհի աշխարհագրութեան, բուսերի և բերքերի, հին և նոր շինութիւնների, կիսակենդան աւերակների, բնակիչների ազգաբանութեան, բարձր ու վարժերի, կրօնի և պատմական անցքերի մասին, բայց ոչ լիակատար կերպով, այլ որքան այդ ներել են հեղինակի միջոցները։ Գիրքը ինքն ըստ ինքեան մի լաւ դասաւորած հաւաքածու է այդ երկրի մասին գրականութեան մէջ արգէն չափունած տեղեկութիւնների։ Նիւթեր, գիրքը չարադրելու համար, աւել են ամենից առաջ հալ պատմիչները, չտող՝ եւրոպացիների ճանապարհորդական հրատարակութիւնները, և չտող միայն նորագոյն հալ ճանապարհորդական և տեղագրական գրականութիւնը։

Գրքում ամփոփւած տեղեկութիւնների մէջ հեղինակը ինքը մատնանիչ է լինում երկու գլխաւոր թերութիւնների վերալ։ Դոցանից մէկն է՝ երկբայութիւնը կամ անստուգութիւնը բնակիչների վիճակագրութեան և երկրորդը, որ մանաւանդ խէթ է եղած հեղինակին՝ մի քանի նկարագրած տեղերի գիրքի անճշտութիւնն է, որ առաջացած է քարտեզների և տեղագրողների անճշտութիւնից։ Վիճակագրութեան վերաբերեալ հայր հեղինակը զանգասուում է, որ այն դրեց՝ ինչ գտաւ գրականութեան մէջ, բայց որ թէ և շատերը գիտէին հեղինակի փափազը և պէտքերը՝ ոչ ոք նոր տեղեկութիւն այդ մասին չը հաղորդեց, իսկ ինչ վերաբերում է ամեն մի տեղի գիրքը որոշելու գծաւորութեանը, այդ բացատրւում է նաև Նիւթի մեծութիւնով, որովհետև գրքի մէջ լիշատակած բնական կամ շինական տեղերի անունների թիւն է մօտ 2.500։ Նկարագրութիւնների մէջ ի հարկէ, գլխաւոր ուշքը դարձրած է պատմական նշանակութիւն ունեցող տեղերի վերալ։ արդ, հին և, որպէս հեղինակն է ասում՝ հայրենալուշ տեղերի անուններից շատերի մասին ալժմ իսպառ կորել են չիշատակները։ Բայց հեղինակը ջանք է գործ դրել չափանի եղածները զանց չառնել, մանաւանդ որոնց մասին երկարորէն է խօսւած գրքի մէջ։

Գրքի բնաւորութիւնը հալը Ալիշանը որոշում է ալ խօսքերով իւր աշխատութեան նպատակի մասին՝ «նպատակ ինձ իղեալ, որպէս և ալ լուր ծանուցի, ոչ ալնքան տեղարա-

Նել բնագրութեամբ, որքան պատմաբանել իրագրութեամբ. և լետով՝ առաւել քան ի վարն՝ ի վարարընակն լառեալ, ի մարդն, և լաւտ ի Հալ մարդ, լալն՝ որ նախ եկաց, գործեաց և էանց. կամ գեռ ևս կալ առ ետեղ ի բնին իւրում երկրի. զորոյ նախընծալ ժառանգական և նուիրական անուն՝ անհնար է քննել ի մտաց և ի գրոց՝ երկվածեօք ոմամբք և եկամուտ օտարատեօք»։ Ահա թէ ինչու ուր որ հեղինակը իւր տեղագրութեան առիթով հանդիպել է մի որ և է «(վեհակերպ ոմն և մեծագործ անձնաւորութեան)» (օրինակ Երիցն Վանազացի կամ քրիստոսագրօշ խմբի առաջնորդներից անդրանիկը՝ Տրգատ) նա ալետեղ և կանգ է առել։ Նոյնը և ուր նա մեծութիւն է գտել կարեւոր պատմական անցքերի կամ կարգերի մէջ, բայց որոնց մասին ցալժմ մթութիւն էր տիրապետում։

Իւր տեղագրական ճիշտի դասաւորութեան նկատմամբ հալը Ալիշանը հետեւել է հին քաղաքական աշխարհագրութեան, ալսինքն նա տեղագրել է Ալրարատ աշխարհի հին հաւկական գաւառները, հին աշխարհագիրներին հետեւելով՝ արեւմուտքից սկսելով՝ Սրասխ գետի ընթացքով և վերջացնելով երկու եփրատական գաւառներով։ Եւ որովհետև հին գաւառներից ոչ բոլորի սահմանների մասին կան ճիշդ տեղեկութիւններ, ուստի հեղինակը, հիմնւելով հաւանականութեան վերայ, կազմել է հետեւեալ քսան գաւառների ցուցակը՝ Բասեն վերին, Ստորին, Հաւնունիք, Աբեղեանք, Գաբեղեանք, Արշարունիք կամ Երասխաձոր, Վանանդ, Շիրակ, Ճակատք, Արագածոտն, Նիգ, Վա-

րաժնունիք, Կոտալք, Մազադ և Ոստան, Ուրծ և Արած, Շարուր, Մասեաց Ոսն, Կոգովիտ, Մաղկոտն, Բագրեանգ, Դոցանից Շիրակ գաւառը, որպէս լալտնի է, տեղագրւած է առանձին գրքով հալը Ալիշանից, բայց և ալնպէս տեղ է գտել նաև ներկայ գրքի մէջ։

Ալրարատի մէջ տեղ գտած տեղերի թիւը հասնում է մօտ 2.500-ի, անձերի կամ տոհմերի անունների թիւը՝ մինչ 1200։ Գիրքը առատ է լուսաբանող պատկերներով, որոնց մէջ և մի մեծ քարտեզ Արարատեան աշխարհի։ Առհասարակ բոլոր մեծ և փոքր պատկերների թիւն է 214, որոնց մէջ մեծք գտնում ենք նաև մեր մի քանի նշանաւոր ժամանակակիցների պատկերները՝ իշխան Բեհրութեան, գեներ. Շեկովնիկեան, Մուխտար փաշա, Լուիս-Մելիքեան, Ներսէս Վ կաթողիկոս, Աբիխ, Խ. Աբովեան, Տէր-Ղուկասեան գեներալ, եւրոպական ճանապարհորդների պատկերները, որպէս Շարգէն, Տուռնֆօր, Դիւրուա դը Մոնպէրիէ, Բոլոր պատկերները, որպէս և բնագիրը ինքը տպւած են ամենամեծ մաքրութեամբ, որպիսին մեզանում միայն Մխիթարեան տպարանը արտադրել կարող է։

Այսքանով մեծք բաւականաչափ ծանօթացրած ենք համարում ընթերցողներին հալը Ալիշանի նորագոյն գրածքի հետ։ Աւելին պէտք է թողնել ժամանակին, որը գրւածքի թերութիւնների հետ թերևս գտնի նորանոր առաւելութիւններ պա՛միր տեղագրական գրականութեանը պատիւ բերող հոսկապ գրքի մէջ։

Ա. Ա.